

序錄

唐志鄭元箋毛詩詁訓二十卷又譜三卷

隋志無經與叙錄鄭

元詩譜  
二卷

歐陽公序曰世傳鄭氏詩譜最詳求之久矣不可得雖崇文總自秘書所藏亦無之慶歷四年奉使河東至於絳州偶得焉其文有注而不見名氏然首尾殘闕自周公至太平已上皆亡之其國譜旁行尤易為訛舛悉皆顛倒錯亂不可復攷凡詩雅頌兼列商魯其正變之風十有四國而其次比莫

詳其義惟封國變風之先後不可以不知周召王  
幽同出於周邶鄘并於衛檜魏無世家其可攷者  
陳齊衛晉曹鄭秦此封國之先後也幽齊魏檜陳  
唐秦鄭魏曹此變風之先後也周南召南邶鄘衛  
王鄭齊幽秦魏唐陳曹此孔子未刪詩之前周太  
師樂歌之次第也周召邶鄘衛王檜鄭齊魏唐秦  
陳曹幽此鄭氏詩譜次第也黜檜後陳此今詩次  
比也初予未見鄭譜嘗略攷春秋史記本紀世家  
年表而合於毛鄭之說爲詩圖十四篇取以補鄭

譜之亡者足以見二家所說世次先後甚備而仍  
存其圖凡補其譜十有五補其文字二百七增損  
塗乙改正者三百八十三而鄭氏之譜復完

謨案孔氏毛詩正義於國風雅頌卷首皆引鄭譜  
必其時此書尙有傳本歐公何以云崇文總目秘  
書所藏亦無之也又此序云所得絳州本首尾殘  
缺自周公已上皆亡今其文具如正義所引歐公  
豈未之見而又何以云云也蓋由此書有圖有譜  
絳州本亦祇有譜無圖故歐公旣用已所爲圖以

漢刻遺書金  
補鄭氏之亡而於其譜殘缺仍取孔氏正義以補  
正之故自以為完書列入唐志今文獻通考及朱  
氏經義考所載鄭氏詩譜蓋即歐公所訂之本非  
徐整太叔求二家所注舊譜也然其書今亦未見  
故仍從正義采錄以存此書目此為譜十有五

鄭氏詩譜

南昌萬廷蘭芝堂參

金谿王謨仁甫輯

周南召南譜

周南者禹貢雍州岐山之陽地名今屬石扶風美陽  
縣地形險阻而原田肥美

後漢書郡國志注引鄭譜

周先公大王

避狄難自豳始遷焉而脩德建王業商王帝乙之初  
命其子王季為西伯至紂又命文王典治南國汪漢  
汝旁之諸侯於時三分天下有其二以服事殷故雍

梁荆豫徐揚之人咸被其德而從之文王受命作邑  
於豐乃分岐邦周召之地爲周公旦召公奭采地施  
先公之教於已所職之國武王伐紂定天下巡狩述  
職陳誦諸國之詩以觀民風六州者得二公之德教  
尤純故獨錄之屬之大師分而國之其得聖人之化  
者謂之周南得賢人之化者謂之召南言二公德教  
自岐而行於南國也乃謂此爲風之正經初古公亶  
父聿來胥宇爰及姜女其後大任思媚周姜大姒嗣  
徽音歷世有賢妃之助以致其治文王刑于寡妻至

刺怨相尋五霸之末上無天子下無方伯善者誰賞  
惡者誰罰紀綱絕矣故孔子錄懿王夷王時詩訖於  
陳靈公淫亂之事謂之變風變雅以爲勸民恤功昭  
事上帝則受頌聲宏福如彼若違而弗用則被劫殺  
大禍如此吉凶之所由憂娛之萌漸昭昭在斯足作  
後王之鑒於是止矣夷厲已上歲數不明太史年表  
自共和始歷宣幽平王而得春秋次第以立斯譜欲  
知源流清濁之所處則循其上下而省之欲知風化  
芳臭氣澤之所及則旁行而觀之此詩之大綱也舉

一綱而萬目張解一卷而衆篇明於方則鮮於思則寡其諸君子亦有樂於是與

周南召南譜

周南者禹貢雍州岐山之陽地名今屬右扶風美陽縣地形險阻而原田肥美周之先公曰大王者避狄難自幽始遷焉而脩德建王業商王帝乙之初命其子王季爲西伯至紂又命文王典治南國江漢汝旁之諸侯於時三分天下有其二以服事殷故雍梁荆豫徐揚之人咸被其德而從之文王受命作邑於豐

乃分岐邦周召之地爲周公旦召公奭之采地施先公之教於已所職之國武王伐紂定天下巡狩述職陳誦諸國之詩以觀民風俗六州者得二公之德教尤純故獨錄之屬之大師分而國之其得聖人之化者謂之周南得賢人之化者謂之召南言二公之德教自岐而行於南國也乃棄其餘謂此爲風之正經初古公亶父聿來胥宇爰及姜女其後大任思媚周姜大妣嗣徽音歷世有賢妃之助以致其治文王刑于寡妻至于兄弟以御于家邦是故二國之詩以后

漢書禮書卷之三  
三  
妃夫人之德爲首終以麟趾騶虞言后妃夫人有斯  
德興助其君子皆可以成功至于獲嘉瑞風之始所  
以風化天下而正夫婦焉故周公作樂用之鄉人焉  
用之邦國焉或謂之房中之樂者后妃夫人侍御於  
其君子女史歌之以節義序故耳射禮天子以騶虞  
諸侯以狸首大夫以采蘋士以采芣爲節今無狸首  
周衰諸侯並僭而去之孔子錄詩不得也爲禮樂之  
記者從後存之遂不得其次序周公封魯死謚曰文  
公召公封燕死謚曰康公元子世之其次子世守采

地在王官春秋時周公召公是也問者曰周南召南  
爲之詩爲風之正經則然矣自此之後南國諸侯政  
之興衰何以無變風荅曰陳諸國之詩者將以知其  
缺失省方設教爲黜陟時徐及吳楚僭號稱王不承  
天子之風今棄其詩夷狄之也其餘江黃六蓼之屬  
旣驅陷於彼俗又亦小國猶邾滕紀莒之等夷其詩  
蔑而不得列於此

邶鄘衛風譜

邶鄘衛者商紂畿內方千里之地其封域在禹貢冀

州大行東北踰衡漳東及兗州桑土之野周武王伐紂以其京師封紂子武庚爲殷後庶殷頑民被紂化日久未可以建諸侯乃三分其地置三監使管叔蔡叔霍叔尹而教之自紂城而北謂之邶南謂之鄘東謂之衛武王旣喪管叔及其羣弟見周公將攝政乃流言於國曰公將不利於孺子周公避之居東都二年秋大熟未穫有雷電疾風之異及後成王悅而迎之反而遂居攝三監導武庚叛成王旣黜殷命殺武庚復伐三監更於此三國建諸侯以殷餘民封康叔

於衛使爲之長後世子孫稍并彼二國混而名之七世至頃侯當周夷王時衛國政衰變風始作作者各有所傷從其國本而異之爲邶鄘衛之詩焉

### 王風譜

王者周東都王城畿內方六百里之地其封域在禹貢豫州太華外方之間北得河陽漸冀州之南始武王作邑於鎬京謂之宗周是爲西都周公攝政五年成王在豐欲宅洛邑使召公先相宅旣成謂之王城是爲東都今河南是也召公旣相宅周公往營成周



今洛陽是也成王居洛邑遷殷頑民於成周復還歸處西都至於夷厲政教尤衰十一世幽王嬖褒姒生伯服廢申后太子宜咎奔申申侯與犬戎攻宗周殺幽王於戲晉文侯鄭武公迎宜咎于申而立之是爲平王以亂故徙居東都王城於是王室之尊與諸侯無異其詩不能復雅故貶之謂之王國之變風

鄭風譜

初宣王封母弟友於宗周畿內咸林之地是爲鄭桓公今京兆鄭縣是其都也又爲幽王大司徒甚得周

衆與東土之人問於史伯曰王室多故余懼及焉其何所可以逃死史伯曰其濟洛河潁之間乎是其子男之國虢鄆爲大虢叔恃勢鄆仲恃險皆有驕侈怠慢之心加以貪冒君若以周難之故寄帑與賄不敢不許是驕而貪必將背君君以成周之衆奉辭伐罪無不克矣若克二邑鄆蔽補丹依疇歷華君之士也修典刑以守之惟是可以少固桓公然其言從之後三年幽王爲犬戎所殺桓公死之其子武公與晉文侯定平王於東都王城卒取史伯所云十邑之地右

洛左濟前華後河食溱洧焉今河南新鄭是也

齊風譜

齊者古少皞之世爽鳩氏之墟周武王伐紂封太師  
呂望於齊是謂齊太公地方百里都營丘周公致太  
平敷定九畿復夏禹之舊制成王用周公之法制廣  
大邦國之境而齊受上公之地更方五百其封域東  
至于海西至于河南至于穆陵北至于無棣在禹貢  
青州岱山之陰濰淄之野其子丁公嗣位於王官後  
五世哀公政衰荒淫怠慢紀侯譖之於周懿王使烹

焉齊之變風始作

魏風譜

魏者虞舜夏禹所都之地在禹貢冀州雷首之北析  
城之西周以封同姓焉其封城南枕河曲北潞汾水  
昔舜耕于歷山陶于河濱禹菲飲食而致孝乎鬼神  
惡衣服而致美乎黻冕卑宮室而盡力乎溝洫此一  
帝一王儉約之化於時猶存及今魏君嗇且褊急不  
務廣修德於民教以義方其與秦晉鄰國日見侵削  
國人憂之當周平桓之世魏之變風始作

唐風譜

唐者帝堯舊都之地今日太原晉陽是堯始居此後  
乃遷河東平陽成王封母弟叔虞於堯之故墟曰唐  
侯南有晉水至子燮改爲晉侯其封域在禹貢冀州  
太行恒山之西太原大岳之野至曾孫成侯南徙居  
曲沃近平陽焉昔堯之末洪水九年下民其咨萬國  
不韙於時殺禮以救艱厄其流乃被于今當周公召  
公共和之時成侯曾孫僖侯甚畜愛物儉不中禮國  
人閔之唐之變風始作其孫穆侯又徙于絳云

秦風譜

秦者隴西谷名於禹貢近雍州鳥鼠之山堯時有伯

翳者實皋陶之子佐禹治水水土旣平舜命作虞官  
掌上下草木鳥獸賜姓曰嬴歷夏商興衰亦世有人  
焉周孝王使其末孫非子養馬於汧渭之間孝王爲  
伯翳能知禽獸之言子孫不絕故封非子爲附庸邑  
之於秦谷至曾孫秦仲宣王又命作大夫始有車馬  
禮樂侍御之好國人美之秦之變風始作秦仲之孫  
襄公平王之初興兵討西戎以救周平王東遷王城

乃以岐豐之地賜之始列爲諸侯遂橫有周西都宗  
周畿內八百里之地其封域東至迤山在荆岐終南  
惇物之野至元孫德公又徙於雍云

陳風譜

陳者太皞處戲氏之墟帝舜之胄有虞闕父者爲周  
武王陶正武王賴其利器用與其神明之後封其子  
媯滿於陳都於宛丘之側是曰陳胡公以備三恪妻  
以元女大姬其封域在禹貢豫州之東其地廣平無  
名山大澤西望外方東不及盟豬大姬無子好巫覡

禱祈鬼神歌舞之樂民俗化而爲之五世至幽公當  
厲王時政衰大夫淫荒所爲無度國人傷而刺之陳  
之變風始作矣

檜風譜

檜者古高辛氏火正祝融之墟國在禹貢豫州外方  
之北滎波之南居于溱洧之間祝融氏名黎其後八  
姓唯妘姓檜者處其地焉周夷王厲王之時檜公不  
務政事而好黎衣服大夫去之於是檜之變風始作  
其國北鄰於虢

其曹風譜

曹者禹貢兗州陶丘之北地名周武王既定天下封弟叔振鐸於曹今日濟陰定陶是也其封域在雷夏荷澤之野昔帝堯嘗遊成陽死而葬焉舜漁於雷澤民俗始化其遺風重厚多君子務稼穡薄衣食以致畜積夾於魯衛之間又寡於患難末時富而無教乃更驕侈十一世當周惠王時政衰昭公好奢而任小人曹之變風始作

幽風譜

幽者后稷之曾孫曰公劉者自郤而出徙戎狄之地名今屬右扶風栒邑公劉以夏后太康時失其官守竄於此地猶修后稷之業勤恤愛民民咸歸之而國成焉其封域在禹貢雍州岐山之北原隰之野至商之末世大王又避戎狄之難而入處於岐陽民又歸之公劉之出大王之入雖有其異由有事難之故皆能守后稷之教不失其德成王之時周公避流言之難出居東都三年思公劉大王居幽之職憂念民事至苦之功以比序已志後成王迎而反之攝政致太

乎其出入也。其德不同，純似於公劉，大王之所爲大  
師，大述其志，主意於幽公之事故，別其詩以爲幽國  
變風焉。變風之類，不決其爲幽公之詩，蓋言古  
文小雅大雅譜，王次人，其異由來，事類必如昔。  
小雅大雅者，周室居西都豐鎬之時詩也。始祖后稷  
由神氣而生，有播種之功於民，公劉至于大王，王季  
歷及千載，越異代而列世，載其功業爲天下所歸。文  
王受命，武王遂定天下，盛德之隆，大雅之初起，自文  
王至于文王，有聲據盛隆而推原天命，上述祖考之

美小雅自鹿鳴至于魚麗，先其文所以治內，後其武  
所以治外，此二雅逆順之次要於極賢聖之情，著天  
道之助如此而已矣。大雅生民下及卷阿，小雅南有  
嘉魚下及菁菁者莪，周公成王之時詩也。傳曰：文王  
基之，武王鑿之，周公內之，謂其道同終始相成比而  
合之，故大雅十八篇，小雅十六篇爲正經，其用於樂  
國君以小雅，天子以大雅，然而饗賓或上取燕，或下  
就何者？天子饗元侯，歌肆夏，合文王諸侯歌，文王合  
鹿鳴諸侯於鄰國之君，與天子於諸侯同，天子諸侯

燕羣臣及聘問之賓皆歌鹿鳴合鄉樂此其著畧大  
校見在書籍禮樂崩壞不可得詳大雅民勞小雅六  
月之後皆謂之變雅美惡各以其時亦顯善懲過正  
之次也問曰常棣閔管蔡之失道何故列於文王之  
詩曰閔之閔之者閔其失兄弟相承順之道至于被  
誅若在成王周公之詩則是彰其罪非閔之故為隱  
推而上之因文王有親兄弟之義又問曰小雅之臣  
何以獨無刺厲王曰有焉十月之交兩無正小旻小  
宛之詩是也漢興之初師移其弟一作耳亂甚焉既

移又

一作文

改其目義順上下刺幽王亦過矣

周頌譜

周頌者周室成功致太平德洽之詩其作在周公攝  
政成王卽位之初頌之言形容天子之德光被四表  
格于上下無不覆燾無不持載此之謂容於是和樂  
興焉頌聲乃作

魯頌譜

魯者少昊摯之墟也國中有大庭氏之庫則大庭氏  
亦居茲乎在周公歸政成王封其元子伯禽於魯其

封域在禹貢徐州大野蒙羽之野自後政衰國事多  
廢十九世至僖公當周之惠襄王時而遵伯禽之法  
養四種之馬牧於坰野尊賢祿士修泮宮崇禮教十  
六年會諸侯於淮上謀東畧公遂伐淮夷二十年新  
作南門又修姜嫄之廟至於復魯舊制未徧而薨國  
人美其功季孫行父請命於周而作其頌文公十三  
年太室屋壞初成王以周公有太平制典法之勳命  
魯郊祭天三望如天子之禮故孔子錄其詩之頌同  
於王者之後問者曰列國作詩未有請於周者行父

請之何也曰周尊魯巡狩述職不陳其詩至於臣頌  
君功樂周室之聞是以行父請焉周之不陳其詩者  
爲優耳其有大罪侯伯監之行人書之亦示覺焉其


商頌譜

商者契所封之地有娥氏之女名簡狄者吞黿卵而  
生契堯之末年舜舉爲司徒有五教之功乃賜姓而  
封之世有官守十四世至湯則受命伐夏桀定天下  
後世有中宗者嚴恭寅畏天命自度治民祇懼不敢  
荒寧後有高宗者舊勞於外爰洎小人作其卽位乃




或諒闇三年不言言乃雍不敢荒寧嘉靜殷邦至于  
小大無時或怨此三王有受命中興之功時有作詩  
頌之者商德之壞武王伐紂乃以陶唐氏火正闕伯  
之墟封紂兄微子啓爲宋公代武庚爲商後其封域  
在禹貢徐州泗濱西及豫州盟豬之野自後政衰散  
亡商之禮樂七世至戴公時當宣王大夫正考父者  
校商之名頌十二篇於周太師以那爲首歸以祀其  
先王孔子錄詩之時則得五篇而已乃列之以備三  
頌著爲後王之義監三代之成功法莫大於是矣問

者曰列國政衰則變風作宋何獨無乎曰有焉乃不  
錄之王者之後時王所客也巡守述職不陳其詩亦  
示無貶黜客之義也又問曰周太師何由得商頌曰  
周用六代之樂故有之



周和六乃之蔡姑存故  
 公曰昔文齊林正朝器世  
 昔同故國效慶耶靈風於宋同  
 小



畿服經

金谿王 謨仁甫輯

古之周南今之洛陽

徐廣史記注

華不注不與詩鄴不之不同

伏琛齊記

樊本仲山甫之國

按寰宇記引荊州圖副郭仲產摯虞等記俱云樊本仲山甫之國則

此摯虞說亦當出畿服經

按隋志云晉世摯虞依禹貢周官作畿服經其州

郡及縣分野封畧事業國邑山陵水泉鄉亭城道

里土田民物風俗先賢舊好靡不具悉凡一百七

十卷今亡故不著錄然全書體例大畧已具惜其  
文則盡散佚自晉以來諸書絕未有稱引者正字  
通雖據齊伏琛齊記引畿服經說華不注而伏記  
亦係亡書究未知所從出若徐廣史記注於太史  
公流滯周南下注引摯虞云云虞於地理書別無  
論著必畿服經文也故與伏記並鈔特存其目

周譜

金谿王 謨仁甫輯

定王五年河徙

按史記三代世表云余讀牒記黃帝以來皆有年數稽其歷譜牒終始五德之傳古人咸不同乖異劉知幾史通亦云譜之建名起於周代表之所作因表寫形故桓君山有云太史公三代世表旁行斜上並効周譜譜之爲道蓋以紀世代年數非爲地理作也然於經傳絕無可考見獨漢書溝洫志

載大司空掾王橫言禹之行河水本隨西山下東  
北去周譜定王五年河徙則今所行非禹之所穿  
也故水經注云今川流所導非禹瀆也周定王五  
年河徙故瀆故班固曰商竭周移也後世河患蓋  
自此始正賴周譜得以考見古今河道變遷本始  
不得以其片語而軼之也故特表而出之俾言河  
道者得有考焉

周公城名錄

金谿王 謨仁甫輯

黃帝受命風后受圖割地布九州置十二圖

按尚書釋文於禹貢九州下引周公職錄云黃帝受命風后受圖割地布九州不言三十二圖因學紀聞則引禹貢釋文周公職錄云隋唐志無此書太平御覽引太乙式占周公城名錄有此三句夾滌通志藝文畧周公城名錄一卷城職字相似恐傳寫之誤原注又引世說注云推周公城錄治城


宜是金陵本里抱朴子登涉內篇亦引周公城名

錄按抱朴子登涉符錄云按周公城名錄天下分野災之所及可避不可穰居宅亦然山岳皆爾

也此書自晉以後世嘗著錄蓋必因周公營建洛

邑作城土中而後人依託為之者也今故仍從御

覽采出此條以備周地理書一則





奏土論

金谿王 謨仁甫輯

我是楚也世霸南土自越以至葉垂弼境萬里故號

曰萬城也

水經注

按水經注云楚盛周衰控霸南土欲爭強中國多  
築列城于北方以逼華夏故號此城爲萬城或作  
方城因引唐勒奏土論云云下卽云按春秋屈完  
之在邵陵對齊侯曰楚國方城以爲城杜預曰方  
城山名也在葉南未詳孰是今考奏土論不見經

傳而唐勒之名則卽史記屈原傳所謂屈原既沒其後楚有宋玉唐勒景差之屬是也此與虞卿趙地記皆戰國時人書有關地理者而皆于水經注得之故雖片語並爲鈔錄



京相璠春秋土地名

奉新鄒玉藻西麓參

金谿王 謨仁甫輯

制

隱元年傳制巖邑也

鄭地

釋例土地名云制號二名滎陽故號國

向

隱二年經莒人入向

沛國縣今并屬譙國龍亢也

釋例土地名同

石門

隱三年經齊侯鄭伯盟于石門

齊地今濟北盧縣故城西南六十里有故石門去

水三百步蓋水瀆流移故側岸也釋例土地名云在盧縣故城西

南濟水以石為門

清隱四年經公及宋公遇於清

今濟北東阿東北四十里有故清亭釋例土地名同

濮隱四年經衛人殺州吁于濮

濮水故道在濮陽南釋例土地名關

成隱五年經衛師入成公羊傳作盛

東郡廩丘縣南三十里有故邲都又岡縣西南有

盛鄉城釋例土地名云東平剛平縣西南有邲鄉

長葛隱五年經宋人伐鄭圍長葛

長社縣北有長葛鄉釋例土地名同

鉏按此地名不見經傳釋例土地名亦闕今從春秋隱七年戎伐凡伯于楚丘經文附列于此

今濮陽城西南十五里有鉏丘城六國時鉏楚同

以為楚丘非也

垂隱八年經宋公衛侯遇于垂

今濟陰句陽縣小成陽東五里有故垂亭釋例土地名同

釐隱十一年經公會鄭伯于時來傳作釐杜注滎陽縣東有釐城鄭地也釐音來

今滎陽縣東四十里有故釐城釋例土地名同

隰隱十一年傳與鄭人蕪忿生之田温原絺樊鄆邨橫茅向盟州陘隰懷

在懷縣西南釋例土地名云隰邨二名河內懷縣西南有隰城

橫茅見

河內修武縣北有故隕城實中今世俗謂之皮塏

方四百步實中高八丈際陂北隔水一十五里俗

所謂蘭正也方二百步西一十里又有一正際陂

世謂之勅正方五百步形狀相類疑即古橫茅也

釋例土地名云汲郡修武縣北有橫城

向見

上

或云河內軹西有地名向今無釋例土地名同

幸桓十年傳使盜待諸莘

今平陽陽平縣北一十里有故莘亭道阨限蹊要

自衛適齊之道也釋例土地名關

葵正莊八年傳齊侯使連稱管至父戌葵正

齊西五十里有葵正地釋例土地名同

鄆按此地名不見經傳釋例土地名亦闕或以為即葵正始附于此

河內山陽西北六十里有鄆城

貝正莊八年傳齊侯田于貝正

博昌縣南近繩水有地名貝工釋例土地名同

乾時莊九年經秋八月及齊師戰于乾時

今樂安博昌縣南界有時水西通濟其上源出盤

陽北至高苑下有死時中無水釋例土地名云時水在樂安界岐流

旱即竭涸故曰乾時

瀧水按此水名不見經傳釋例土地名亦闕據水經注即袁水入時水當屬齊地故附于此

濟南梁鄒縣有袁水

洙莊九年經冬浚洙

洙水在魯城北浚深之為齊備也釋例土地名云出魯國東北西

南入沅水

下入泗

遂莊十二年經齊人滅遂

遂在虵正東北十里今濟北有虵正城城下有水

魯囿也俗謂之濁須水非矣釋例土地名云濟北虵正縣東北有遂鄉

大陵莊十四年傳鄭厲公獲傅瑕于大陵

潁川臨潁縣東北二十五里有故巨陵亭古大陵

也釋例土地名闕

郟莊二十八年經冬築郟

公羊傳謂之微在東平壽張縣西北三十里有故

微鄉魯邑也

釋例土地名闕○案路史國名紀注引璠云微子國也

桐丘

莊二十八年傳鄭人將奔桐丘

今國無而城見存西南去許昌故城可三十五里

俗名之曰隄其城南即長隄因洧水之北防也西

面桐丘其城邪長而不方蓋馮丘之稱即城之名

矣

釋例土地名云潁川許昌縣東北有章丘亭

滎澤

閔二年傳衛及狄人戰于滎澤

在滎陽縣東南與濟隧合

釋例土地名闕言戰而及河則非河南滎澤

冀

僖二年傳冀為不道

今河東皮氏縣有冀亭古之冀國所都也

釋例土地名云

平陽皮氏縣東北有冀亭

無棣

僖四年傳北至于無棣

舊說無棣在遼西孤竹縣

釋例土地名闕

須句

僖二十二年經公伐邾取須句公羊傳作須胸

須句一國二城兩名蓋遷都須昌胸是其本秦以

為縣

釋例土地名云東平須昌縣西北有須胸

五鹿

僖二十三年傳晉文公出于五鹿

今衛國縣西北三十里有玉鹿地

釋例土地名云陽平元城縣東

亦有五鹿

桑泉曰衰僖二十四年傳晉文公濟河圍合狐入桑泉取曰衰

並在解東南釋例土地名云河東解縣西有桑泉城東南有曰城

雍僖二十四年傳邵雍曹滕

今河內出山陽西有故雍城釋例土地名同

邗僖二十四年傳邗晉應韓

今河內野王縣西北三十里有故邗城釋例土地名同邗

臺是也又有亭在臺西南三十里

召僖二十四年傳召穆公

亭在周城南五十里後漢郡國志曰鄆縣有邵亭

一作謂此也釋例土地名云扶風邵亭

甘僖二十四年傳甘昭公

或云甘水西山上夢汁疑作廣潤而平有故甘城在河

南城西二十五里指謂是城也今河南河南縣有

甘水北入洛釋例土地名云河南縣西南有甘水

坎飲僖二十四年傳王遂出及坎飲

鞏東地名坎飲釋例土地名同在洞水東

襄城僖二十四年傳王出適鄭處于汜水經注云卽此城也



周襄王居之故曰襄城也今置闕於其下釋例土地名云

此南汜也

宛濮僖二十八年傳寧武子與衛人盟于宛濮

衛地也似非闕苑而不知其所釋例土地名云陳留長垣縣西南有

宛亭近濮水

翟泉僖二十九年經會王人盟于翟泉

今大倉西南池水名狄泉舊說狄泉本在洛陽北

長弘城成周乃繞之釋例土地名云河南洛陽新城縣北大倉南池

瑕僖三十年傳許君焦瑕

今河內解縣西南五里有故瑕城釋例土地名關

垂隴文二年經公孫敖會晉士穀盟于垂隴

鄭地今滎陽東二十里有故隴城釋例土地名同即此是

也世謂之都尉城蓋滎陽典農都尉治故變垂隴

之名矣

承匡文十一年經叔仲彭生會晉卻缺于承匡

今陳留襄邑西三十里有故承匡城釋例土地名同

周首文十一年傳齊王子成父獲其弟榮如埋其首于周首之北門

今濟北所治盧子城故齊周首邑也釋例土地名云濟北穀城

縣東北有周首亭

鄆文十二年經季孫行父帥師城諸及鄆

瑯邪姑幕縣南四十里員亭故魯鄆邑世變其字

非也釋例土地名云鄆田二名此東鄆莒魯所爭

釋文十三年傳邾文公卜遷于釋

地理志嶧山在鄒縣北釋例土地名同釋邑之所依為名

也

邾垂文十七年經周甘斂敗戎于邾垂

舊說邾垂在高都南今上黨有高都縣釋例土地名云河南

新城縣北有垂亭

申池文十八年傳齊懿公遊于申池

申門即齊城南面西第一門外為申池釋例土地名云或曰

齊城南面西頭第一門名申門齊城無池唯此門左右有池

北林宣元年傳楚為賈救鄭遇于北林

今滎陽宛陵縣有故林鄉在新鄭北故曰北林釋例

土地名云今中牟縣西有林亭

邾鄆宣二年傳成王定鬲于邾鄆杜注今河南也

邾山名邾地邑也史記周紀正義引京十年定鬲相璠地名云邾邑名

為王之東都謂之新邑是為王城其城東南名曰

鼎門蓋九鼎所從入也故謂是地為鼎中楚子伐

陸渾之戎問鼎于此釋例土地名云河南縣西有郊鄆陌也

辰陵宣十一年經楚子陳侯鄭伯盟于辰陵

潁川長平有故辰亭釋例土地名云在長平東南

邲宣十二年經晉荀林父帥師及楚子戰于邲

在敖北釋例土地名闕

清宣十二年經晉人宋人衛人曹人同盟于清

在今東郡濮陽縣東南三十里魏都尉治釋例土地名同

茅成元年經王師敗績于茅戎

今高平縣西三十里有故茅鄉城釋例土地名云河內大陽縣西

有茅亭

華泉成二年傳將及華泉

地名即華不注山下泉水也釋例土地名闕

瑕成十六年傳楚師還及瑕

楚地北釋例土地名闕

鄆成十六年傳公還待于鄆

公羊作運字今東郡廩丘縣東八十里有故運城

卽此城也

釋例土地名云此西鄆昭公所出居東郡廩丘縣東有鄆城

彰襄三年傳盟于彰外

今臨淄唯有濼水西北入泲卽地理志所謂如水

矣彰如聲相似然則濼水卽彰水也釋例土地名闕

襄四年傳使澆帥師

故斟尋國禹後西北去灌亭六十當作九里○釋例土地名云樂

安壽光縣東南有灌亭北平壽縣東南有斟亭

襄十年經公會晉

相侯宋公會吳于相宋地今彭城偃陽縣西北有相水溝去偃陽八十

里東南流逕偃陽縣故城東北

杜注楚地○釋例土地名闕或曰彭

城傳陽縣西北有相水溝魯國薛縣西南有相亭

譙國攢縣治戲鄉皆去鍾離五百餘里非諸侯六

日載會所至也或曰汝南安城縣西南有鍾離亭

西平縣北有相亭去偃陽近千里又非自會九日

之所能滅國皆非也

濟隧

襄十一年傳諸侯伐鄭西濟于濟隧

鄭地也言濟水滎澤中北流至恒雍西與出河之

濟會南去新鄭百里斯蓋滎播河濟往往逕通矣

出河之濟卽陰溝之上源也濟隧絕焉故世亦或

謂其故道爲十字溝釋例土地名闕

楊梁

襄十二年傳楚子囊秦戌長無地伐宋師于楊梁

宋地今睢陽東南三十里有故楊梁今日楊亭也

釋例土地各同

湛阪

襄十六年傳楚公子格帥師及晉師戰于湛阪

昆陽縣北有蒲城蒲城北有湛水者是也

釋例土地各云

湛水東

八汝

梗陽

襄十八年傳梗陽之巫

晉邑也今太原晉陽縣南四十里榆次界有梗陽

地

釋例土地各云在晉陽縣南陽城

平陰

襄十八年傳齊侯禦諸平陰塹防門而守之廣里

齊地也在濟北盧縣故城西南

釋例土地名作東北十里平

陰城南有長城東至海西至濟河道所由名防門

去平陰三里齊侯塹防門即此也其水引濟故瀆

尚存今防門北有光里齊人言廣音與光同即春

秋所謂守之廣里者也

巫山

襄十八年傳齊侯登巫山以望晉師

在平陰東北

釋例土地名云濟北盧縣東北

澗水

襄十九年經公至自澗水伐田取邾田自澗水

薛縣灑水首受蕃縣西注山陽胡陸是也釋例土地名云

出東海合鄉縣西南經魯國至高平胡陸縣入泗

武城襄十九年經城武城

今泰山南武城縣有澹臺子羽家縣人也釋例土地名同

高唐襄十九年傳衛奔高唐以叛

本平原縣齊之西鄙也釋例土地名云濟南祝阿縣西北高唐城

少水襄二十三年傳封少水

晉地今沁水也釋例土地名關

羊角高魚襄二十六年傳齊烏餘以廩丘奔晉襲衛羊角取之遂襲我高魚

衛地也今東郡廩丘縣南有羊角城今魯邑也今

廩丘東北有故高魚城俗謂之交魚城謂羊角為

角逐城皆非也釋例土地名云羊角衛地高魚魯地餘並同

三塗昭四年傳四嶽三塗

山名釋例土地名云河南陸渾縣南山各或曰三塗伊闕太谷轅轅三道也傳曰晉將伐陸渾

而先有事于洛與三塗先祭山川也謂三塗者非也

索氏昭五年傳鄭子皮子太叔勞諸索氏

京有小索亭世語以為本索氏兄弟居此故號小

索者也項羽本紀注引京相璠地名云京縣有大索亭小索亭大小氏兄弟居之故有小大

之號○釋例土地各云河南城皋縣東有大索城

夸濮西田昭九年傳楚然丹遷城父人于陳以夸濮西田益之

以夸之濮西田益也釋例土地各云夸濮本陳地也

中人昭十三年傳晉荀吳侵鮮虞及中人

今中山望都西二十里有故中人城釋例土地各云鮮虞地也

鼓昭十五年傳晉荀吳帥師圍鼓

白狄之別種鉅鹿下曲陽有鼓聚釋例土地各同故鼓子

國也東北

聊攝昭二十年傳聊攝以東

平原有聊城縣東北三十里有故攝城釋例土地各同

鄒昭二十二年傳鄒聃伐皇

今鞏洛渡北有鄒谷水東入洛謂之下鄒太原寰宇記引

此條鄒俱作濩故有下鄒上鄒之名亦謂之比鄒於是

南鄒比鄒之稱矣又有鄒城蓋周大夫鄒聃之舊

邑釋例土地各云河南鞏縣西南有地名鄒中也

前城昭二十二年傳晉箕遺樂徵右行詭濟師取前城

今洛陽西南五十里伊闕外前亭矣釋例土地各闕

湟昭二十三年傳王子猛居于湟

春秋土地各

訾城北三里，有黃亭，即春秋所謂次于黃者也。釋例

土地名云河內  
鞏縣南有黃亭

遠滋 昭二十三年傳司  
馬遠越縊于遠滋

水際及邊地名也。禹貢曰：道漢水過三澨。春秋傳

有句澨雍澨，及此而三。釋例土地名闕

窮 昭二十七年傳楚救  
澨與吳師遇于窮

今安豐有窮水，北入淮。釋例土地名闕

沙汭 昭二十七年傳楚令尹子  
常以舟師及沙汭而還

楚東地也。杜注沙水名也  
釋例土地名闕

養 昭三十年傳楚逆  
吳公子使居養

在襄城郟縣西南，養水名也。俗以是水為沙水，故

亦名之為沙城，非也。釋例土地名闕。○案路史  
國名紀引璠云：由基之邑。

柏舉 定四年經吳  
楚戰于柏舉

漢東地矣。夏有汭水，或作舉，疑即此也。釋例土地名闕

大別 定四年傳自小  
別至于大別

漢東山名也。在安豐縣南。釋例土地名闕。或曰大  
別在安豐縣西南，傳曰

吳既與楚夾漢，然後楚乃濟漢而陳。自小別至于

大別，然則二別在江夏界，近漢之名無緣反在安



負黍定六年傳鄭伐負黍

在潁川陽城縣西南二十七里世謂之黃城也釋

土地名同

鐵上哀二年傳衛太子為右登鐵上望見鄭師自投車下

鐵上各也釋例土地名云戚城南有鐵上

少習哀四年傳將通于少習

楚通上洛阨道也釋例土地名云上雒商縣武關

霍哀四年傳楚起豐析與狄戎

霍陽山在周平城東南者也釋例土地名云河南梁縣南有霍陽聚

豐析哀四年傳楚司馬起豐析與狄戎

南鄉浙縣有故鄆鄉釋例土地名同春秋所謂鄆浙也

闡哀八年經齊人取謹及闡

岡縣西十里有闡亭釋例土地名云東平岡平縣西北闡鄉城

春秋土地名



關西十里官關亭

關平

關大頭關又關

關大頭關又關


南渡海關有姑禮

姑各同

春林河

關西十里官關亭

關西十里官關亭



古今地名

金谿王謨仁甫輯

王屋山方七百里高萬仞本冀州之河陽山也

荊州松滋縣古鳩茲地卽楚茲方是也

負黍在洛州陽城西三十七里

解縣有智城

並史記正義

河南有鼎門九鼎所定

類聚

冥零坂在吳城之比今謂之吳坂

文選注○御覽引作宜軫坂在鹽池

東下並同

韓武子食菜於韓原亦秦晉戰於此地卽獲杜回又秦獲晉惠侯以歸之處

御覽

王屋山狀如垣故以名縣別於太行王屋二山

鄴縣漢縣屬沛郡卽鄴亭是

永安縣有呂鄉晉大夫呂甥之邑也呂州取名於此

並寰宇記

葵丘地名今鄴西臺是也

水經注引春秋古地

赤狄潞氏今日赤涉湖

史記注引春秋地名

晉太鹵太原太夏太墟晉陽太康六者其實一也

初學

記引春秋地名

按唐志載古今地名三卷在李吉甫元和郡國志

下梁載言十道志上此書自是唐人所著今並鈔

出史記正義四條類聚一條文選注一條御覽一

條寰宇記三條又水經注春秋古地一條史記注

初學記春秋地名各一條

海委... 全



油... 監... 五...

Large, stylized, semi-transparent watermark characters, possibly 'E' or 'B', overlaid on the page.

張華博物記

金谿王 謨仁甫輯

姪 璧晉垂校

王城方七百二十丈邪方一十里 玉海作南望雒水

北至陝山 大國城東具城

梁伯好土功令梁多有城

灑水出潛亭山

共國有奧水流入淇水有綠竹草

河東郡有山澤近鹽沃土之民不才漢興少有名人

大衣冠三世皆衰絕也

臨汾有賈鄉賈伯邑

汾陰古之綸少康邑

傅巖在大陽縣北

顛軫坂在大陽縣鹽池東吳城之北今之吳坂

解縣有智邑

白季邑縣西北鼻耳山縣西南齊桓公西伐所登

皮氏有耿城

聞喜縣治涑之川

永安有呂鄉呂甥邑也

路史國名紀引此作  
博物古今地名記

王屋山在猗氏東狀如垣

猗氏縣東九里有邠邵之阨賈季迎公子樂於陳

趙孟殺諸邠邵

桃林在湖縣體與之山

陝陌二伯所分

西漢水出新安入雒

龍門山有韓原韓武子菜邑

並後漢書郡  
國志注一

新蔡故呂侯國

安陵亭故安陵君也

諸侯會於鄆亭

邛地在陳縣北防亭在焉詩曰邛有旨苕防有鵲巢

唐關在中人西北百里中人在唐縣西四十里

左人在唐西北四十里並郡國志注二

桑中在濮陽中

苟水出湖陸

乘氏古乘止

邾有勇士亭即勇士向止欣按高止當作菑止欣當作訖

蘭陵縣東北海邊植石秦所立之東門

東北獨居山西南有淵水即羽泉也俗謂此山為懲

父山

西海太公呂望所出今有東呂鄉又釣於棘津其迹

今存路史國名紀引博物記云曲海城有東呂鄉東呂里太公望所出也

臨沂縣東界次睢有太叢社民謂之食人社即次睢

之社

淮水入姑幕城東南五里有公冶長墓史記仲尼弟子列傳引張

華曰公冶長墓在城陽姑幕城東南五里所墓極高



女子杜姜左道通神廣陵縣以爲妖閉獄桎梏卒變  
形莫知所極以狀上因以其處爲廟祠號曰東陵聖  
母

東陽縣多麩十千爲羣掘食草根其處成泥名曰麩  
駿民人隨此駿種稻不耕而獲其收百倍

扶州上有草名節其實食之如大麥從七月稔熟  
民歛穫至冬乃訖名曰自然穀或曰禹餘糧

並郡國志注三

臨菑縣西有袁婁

宛有中亭

平氏有陽山出紫草

安衆有土魯山出紫石英

筑盟今穀亭

並郡國志注四

沔陽縣北有丙穴

臨邛有火井深二三丈在縣南百里以竹木投取火

後人以火燭投井中火即滅絕不復然

案文選雪賦注引博物志

臨邛火井諸葛亮往視後火轉盛以盆貯水煮之得  
鹽後人以火投井火即滅至今不然又曰西河郡鴻

門縣亦有火井祠火從地出其言臨邛火井正與此  
注同而此注獨不及西河火井又今本張華博物志

臨邛火井一所從廣五尺深二三丈并在縣南百里  
昔時人以竹木投以取火諸葛丞相往視之後火轉

盛熱益蓋井上煮鹽得鹽入以家火即滅訖今不復  
然下又云酒泉延壽縣南山名火泉水出如炬此言  
臨卬火井更詳至云延壽南山火泉水又與南山石漆  
正類而此注皆不之及固知此博物記即張華撰而  
好事者以爲唐蒙蒙本番陽令漢武帝時人  
安得記諸葛丞相事乎以此蓋知其妄也

南安縣西百里有牙門山

延壽縣南有山石出泉水大如管簾注池爲溝其水

有肥如煮肉洎羹羹永永如不凝膏然之極明不可

食縣人謂之石漆案水經注引博物記稱酒泉延壽縣南山出泉水大如管注地爲溝

水有肥如肉汁取着器中始黃後黑如凝膏然極明與膏無異膏車及水碓缸甚佳彼方人謂之石漆初學記引張華博物志曰延壽縣南山石泉注爲溝其水有脂挹取若着器中正黑如墨如不凝膏然之極

明但不可食此方人謂之石漆與此注說石漆並引博物志而文有詳畧則此博物記之即爲張華博物志蓋無疑矣

高都縣南地名卽垂

日南出野女羣行不見夫其狀晶且白裸祖無衣襦

並郡國志注五〇案諸本張華博物志俱云日南有野女羣行見丈夫狀晶白裸祖無衣襦與此文小異

交州南有蟲長減一寸形似白英不知其名視之無色在陰地多細色則赤黃之色也後漢書輿照志注

松脂淪入地千年化爲茯苓茯苓千歲化爲虎魄今

太山有茯苓而無虎魄永昌有虎魄而無茯苓後漢書西

南夷傳注

兖州東平郡卽尙書之東原也

史記夏本紀索隱

大梁城在浚儀縣北縣西北渠水東經滎陽城南又北屈分爲二渠其一渠東南流始皇鑿引河水以灌

大梁謂之鴻溝楚漢會此處也其一渠東經武陽縣

南爲官渡水

史記項羽本紀正義

陶朱公冢在南郡華容縣西樹碑云是越之范蠡也

史記越世家注

趙奢冢在邯鄲界西山上謂之馬服山

史記趙奢傳注

趙簡子冢在臨水界二冢并上氣成樓閣

趙世家注

武陟墓在盱眙城東十五里

淮陰侯傳注

朝鮮有泉水冽水汕水三水合爲冽水疑樂浪朝鮮

取名於此也

案杜氏通典子注此上有張華曰字史記朝鮮傳注引此作張晏說

按張華博物志十卷全書具在固已家置一編人

得而讀之矣乃間閱諸書所引往往有諸本博物

志所未載者而劉昭注續漢書郡國志尤多引博

物記疑當別爲一書而未知誰所作至明人李時

珍本草綱目及楊慎丹鉛錄引日南野女並作唐

蒙博物記時又有西吳潘基慶輯古逸書據言漢有博物記非張華博物志也周公瑾云不知誰著攷後漢書注始知博物志爲唐蒙作其說似確鑿可據予初亦極驚喜如新獲一秘書因亟檢章懷太子後漢書注諸引博物志皆不著撰人姓名乃再攷劉昭郡國志注至犍爲郡南安縣下引蜀都賦注曰魚笮津數百步在縣北三十里縣臨大江岸便山嶺相溥經益州郡有道廣四五丈深或百丈塹鑿之迹今存昔唐蒙所造博物記縣西白里

有牙門山云云乃知諸人所說蓋據此文以唐蒙所造博物記七字屬爲一句而不知其誤也唐蒙所造自承上塹鑿之迹而言華陽國志載漢武帝初欲開南中使爇道令通之費功無成百姓愁怨司馬相如諷諭之使者唐蒙將南入以道不通斬爇道令乃塹石通閣道在犍爲郡此以塹鑿之迹爲唐蒙所造正指此事非謂其造博物記也博物記下云縣西百里有牙門山自別爲一條文意原不相混明人讀書乃不過細輕易立異如此但如

李時珍潘基慶掇拾成書猶不足怪若楊升庵素稱精博專工考訂而亦有此謬何也再考張華博物志本四百卷晉武帝以其記事采言多浮妄違孔子不語怪力亂神之旨刪爲十卷而以地理爲第一卷其自序云余視山海經及禹貢爾雅說文地志雖曰悉備各有所不載者作畧說粗言遠方陳山川位象諸國境界犬牙相入春秋之後並相侵伐其土地不可具詳其山川地澤畧而言之是知本志於說地理最詳故其所刪落尤多如劉昭

注郡國志諸引博物志皆其所刪落之餘也或疑本注旣不著撰人姓名稱記稱志亦當有別安必其卽張華書則予於延壽石漆臨卽火井本條下引水經文選二注及初學記旣有明證矣至日南野女則諸本博物志並如此說特小有不同耳今故直卽博物記斷爲范陽張華撰以其所記多春秋時地理故卽以次於春秋土地名後而特采郡國志注四十八條列於前外共鈔出章懷太子後漢書注二條裴駟史記注六條杜氏通典注一條

若於地理志無闕涉概不置錄再考水經注淇水  
條內引衛詩肥泉毛注同出異歸爲肥而言博物  
志謂之澳水下又引詩瞻彼淇澳毛注澳隈也而  
言鄭亦不以爲津源而張司空專以爲水流入于  
淇正與郡國志引博物記文合張司空之卽爲張  
華則此博物記之卽爲張華博物志審矣

張氏土地記

金谿王 謨仁甫輯

姪 鏞 奏校

鳥鼠同穴不為牝牡

郭璞爾雅注○按爾雅本言其鳥為鼠其鼠為鼯郭注鼯如人

家鼠而短尾餘似鷄而小黃黑色穴入地三四尺鼠

在內鳥在外今在隴西首鵠縣鳥鼠同穴山中孔氏

尚書傳云共為雌雄張氏地理記云不為牝牡其於

山海經鳥鼠同穴山注亦引張氏地理記並詳其

名張守節夏本紀正義劉昭郡國志注引郭注並同

獨酈道元於注水經鳥鼠同穴山別引鄭元曰鳥鼠

之山有鳥焉與鼠飛行而處之又有止而同穴之山

是二山也鳥名為鼠似鷄而黃黑色鼠如家鼠而短

尾穿地而共處鼠內如鳥外孔安國曰其為雌雄杜

張氏土地記

不相牝牡故因以名山獨不引郭注又以張氏地理記說為張晏豈地理記即張晏所著乎按魏志有張晏中山人著有西漢書音釋蓋亦博雅之士也

句餘山在會稽餘姚縣南句餘縣北故此二縣因此為名

東陽永康縣南四里有石城山上有小石城云黃帝

會遊此即三天子都也並山海經注○案御覽於石

縣西南四里有石城山傳云昔有神武夷君居此故因名之又與郭注引張氏說異未詳何據

濟南平壽縣其地即古斟尋國史記夏本紀正義引張敖地理記

驪山即藍田山周本紀索隱引土地記

鄭陽武縣有博浪沙晉侯世家注引地理記

按隋唐志俱不載此記而郭璞於注爾雅山海經

並引其說此書必當為漢魏間人撰如酈道元水

經注指作張晏疑為近之若史記正義所引張敖

地理記不知何時人路史國名紀注又作張勃均

未能詳也郭注亦祇泛稱張氏而於鳥鼠同穴則

云張氏地理記於句餘山則云張氏地里志於石

城山則云張氏土地記書名錯互不同其稱張氏

一也今故未能審定合共鈔出爾雅注一條山海



經注二條史記注一條正義一條索隱一條



漢書地理志卷之九十五  
西域傳第六十五  
西域傳第六十五  
西域傳第六十五

漢書地理志卷之九十五  
西域傳第六十五  
西域傳第六十五  
西域傳第六十五

帝王經界紀

襄陽樊雄楚雲軒參

金谿王謨仁甫輯

天地未分謂之太易元氣始萌謂之太初形氣之物  
謂之太始形變有質謂之太素前不可為象惟虛惟  
無蓋道之根道根既建由無生有質始萌而未兆謂  
之厖洪蓋道之幹道幹既育萬物成體剛柔始分清  
濁始位天體陽故圓以動蓋道之實謂之太極  
自天地設闢未有經界之制三皇尙矣諸子稱神農

御覽

之王天下也地東西九十萬里南北八十五萬里及黃帝受命始作舟車以濟不通乃推分星次以定律

度玉海引世紀云分野下分區域上配星躔案文當在此下自斗十一度至婺女

七度一名須女日星紀之次于辰在丑謂之赤奮若

于律為黃鐘斗建在子今吳越分野自婺女八度至

危十六度日玄枵之次一名天竈于辰在子謂之困

敦于律為大呂斗建在丑今齊分野自危十七度至

奎四度日豕韋之次一名媯訾于辰在亥謂之大淵

獻于律為太簇斗建在寅今衛分野自奎五度至胃

六度日降婁之次于辰在戌謂之闕茂于律為夾鐘

斗建在卯今魯分野自胃七度至畢十一度日大梁

之次于辰在酉謂之作噩于律為姑洗斗建在辰今

趙分野自畢十二度至東井十五度日實沈之次于

辰在申謂之涿灘于律為中呂斗建在巳今晉魏分

野自井十六度至柳八度日鶉首之次于辰在未謂

之叶洽于律為蕤賓斗建在午今秦分野自柳九度

至張十七度日鶉火之次于辰在午謂之敦牂一名

大律于律為林鐘斗建在未今周分野自張十八度

至軫十一度曰鶉尾之次于辰在巳謂之大荒落于  
律爲夷則斗建在申今楚分野自軫十二度至氐四  
度曰壽星之次于辰在辰謂之執徐于律爲南呂斗  
建在酉今韓分野自氐五度至尾九度曰大火之次  
于辰在郊謂之單闕於律爲無射斗建在戌今宋分  
野自尾十度至斗十度百三十五分而終曰析木之  
次于辰在寅謂之攝提格于律爲應鐘斗建在亥今  
燕分野凡天有十二次日月之所躔也地有十二分  
王侯之所國也故四方各七宿四七二十八宿合一

百八十二星東方蒼龍三十二星七十五度北方玄

武三十五星九十八度四分度之一

案文此五  
字疑衍西方

白虎五十一星八十度南方朱雀六十四星百一十

二度周天三百六十五度四分度之一一度二千九

百三十二里分爲十二次一次三十度三十二分度

之十四各以附其七宿間距周天積百七萬九百一

十三里徑三十五萬六千九百九十一里陽道左行

故太歲右轉凡中外官常明者百二十四可名者三

百二十合二千五百星微星之數凡萬一千五百二

十星萬物所受咸系命焉此黃帝創制之大畧也而他說稱日月所照三十五萬里考諸子所載神農之地過日月之表近爲虛誕及少昊氏之衰九黎亂德其制無聞矣汨顓頊之所建帝嚳受定則孔子稱其地北至幽陵南暨交趾西踰流沙東極蟠木日月所照莫不底焉是以建萬國而制九州至堯壇洪水分爲十二州今虞書是也及禹平水土還爲九州今禹貢是也是以其時九州之地凡二千四百三十萬八千二十四頃定墾者九百一十萬八千二十四頃不

墾者千五百萬二千頃民戶千三百五十五萬三千九百二十三人至于塗山之會諸侯承唐虞之盛執玉帛亦有萬國是以山海經稱禹使大章步自東極至于西垂二億三萬三千五百里七十一步又使豎亥步南極盡于北垂二億三萬三千五百里七十五步四海之內則東西二萬八千里南北二萬六千里出水者八千里受水者八千里名山五千三百五十五經六萬四千五十六里出銅之山四百六十七出鐵之山三千六百九以供財用儉則有餘奢則不足以

男女耕織不奪其時故公家有三十年之積私家有九年之儲及夏之衰也棄耒弗務有窮之亂少康中興乃復禹迹孔甲之至桀行暴諸侯相兼逮湯受命其能存者三千餘國方于塗山十損其七民離毒政將亦如之殷因於夏六百餘載其間損益書策不存無以考之又遭紂亂至周克商制五等之封凡千七百七十三國又滅湯時千三百矣民衆之損將亦如之及周公相成王致治刑錯民口千三百七十一萬四千九百七十三人多禹十六萬一千人周之極盛

也其後七十餘歲天下無事民彌以息及昭王南征不反穆王失荒加以幽厲之亂平王東遷三十餘載至齊桓公二年周莊王之十三年五千里內非天王九嬪之御自世子公侯以下至於庶民凡千一百八十四萬七千人除有土老疾定受田者九百萬四千人其後諸侯相并當春秋時尙有千二百國四十二年之中弑君三十六亡國五十二諸侯奔走不得保其社稷者不可勝數至于戰國存者十餘于是縱橫短長之說相奪于時殘民詐力之兵動以萬計故峭

有匹馬之禍宋有易子之急晉陽之國縣釜而炊長  
平之戰血流漂鹵周之列國惟有燕魏秦楚而已齊  
及三晉皆以篡亂南面稱王衛雖得存不絕若綫然  
考蘇張之說計秦及山東六國戎卒尙存五百餘萬  
推民口數尙當千餘萬及秦兼諸侯置三十六郡其  
所殺傷三分居二猶以餘力行秦夷之刑收大半之  
賦北築長城四十餘萬南戍五嶺五十餘萬阿房驪  
山七十餘萬十餘年間百姓死沒相踵于路陳項又  
肆其餘烈故新安之坑二十餘萬彭城之戰睢水不

流至漢祖定天下民之死傷亦數百萬是以平城之  
卒不過三十萬方之六國五損其二自孝惠至文景  
與民休息六十餘歲民衆大增是以大倉有不食之  
粟都內有相貫之錢武帝承其資畜軍征三十餘歲  
地廣萬里天下之衆斯過半矣及霍光秉政乃務省  
役至于孝平六世相承彼時征行不足大害民戶又  
息元始二年郡國百三縣邑千百八十七地東西九  
千三百二里南北萬三千三百六十八里定墾田八  
百二十七萬五百三十六頃民戶千三百二十三萬

三千六百一十二口五千九百一十九萬四千九百七十八人多周成王四千五百四十八萬五十五人漢之極盛也及王莽篡位續以更始赤眉之亂至光武中興百姓虛耗十有二存中元二年民戶四百二十七萬九千六百三十四口二千一百萬七千八百二十人永平建初之際天下無事務在養民迄于孝和民戶滋殖及孝安永初元初之間兵飢乏苦民人復損至于孝桓頗增于前永嘉二年戶千六百七萬九百六口五千六萬六千八百五十六人墾田亦多

軍師屢征及靈帝遭黃巾獻帝卽位而董卓興亂大焚宮廟劫御西遷京師蕭條豪傑並爭郭汜李傕之屬殘害又甚是以興平建安之際海內凶荒天子奔流白骨盈野故陝津之難以箕撮指安邑之東后裳不完遂有寇戎雄雌未定割剥庶民三十餘年及魏武皇帝克平天下文帝受禪人衆之揭萬有一存景元四年與蜀通計民戶九十四萬三千四百二十三口五百三十七萬二千八百九十一人又案正始五年揚威將軍朱照日所上吳之所領兵戶九十三萬



二千推其民數不能多蜀矣昔漢永和五年南陽戶  
五十餘萬汝南戶四十餘萬方之於今三帝鼎足不  
踰二郡加有食祿復除之民凶年飢疾之難見可供  
役裁若一郡以一郡之人供三帝之用斯亦勤矣自  
禹至今二千餘載六代之損益備於茲焉郡國志注  
天子畿方千里曰甸服甸服之內曰京師天子所居

曰都類聚

必犧為天子都陳在禹貢豫州之域西望方外東及  
明諸於周陳胡公所封故春秋傳曰陳入昊之墟也

於漢屬淮陽今陳國是也神農氏亦都陳又營曲阜  
故春秋傳稱魯大庭氏之庫今兗州仙源縣黃帝都  
涿鹿於周官幽州之域在漢為上谷而世本云涿鹿  
在彭城南然則上谷本名彭城今上谷有涿鹿縣及  
蚩尤城阪泉地又有黃帝祠皆黃帝戰蚩尤之處或  
曰黃帝都有熊今河南新鄭是也玉海引世紀云或言縣故有熊氏之墟黃帝之所都也鄭氏徙居之故曰新鄭少昊氏自窮桑登位故春秋傳  
曰世不失職遂濟窮桑在魯城北登帝後徙曲阜於  
周為魯在禹貢徐州蒙羽之野奎婁之分降婁之次

周以封伯禽故春秋傳曰命伯禽而封於少昊之墟  
是以書序稱魯公伯禽宅曲阜是也顓頊氏自窮桑  
徙商工於周爲衛在禹貢冀州大行之東北踰崇山  
及兗州桑土之野營室東北之分豕韋之次故春秋  
傳曰衛顓頊之墟也謂之帝丘今東郡濮陽是也帝  
嚳氏都亳今河南偃師是也禹貢方外之域嵩高之  
北或言在梁非也帝堯氏始封於唐今中山唐縣是  
也堯山在焉唐水在西北入唐河南有望都縣山卽  
堯母慶都之所居也相去五十里都山一名亘山北

登堯山南望都山故名其縣曰望都而地理志堯山  
在唐縣南山中張晏以堯山實在唐北地理志失之  
矣後又徙晉陽今太原縣是也於周在并州之域及  
爲天子都平陽於詩風爲唐國武王子叔虞封焉更  
名唐故吳季札聞唐之歌曰思深哉其有陶唐氏之  
遺民一作風乎帝舜氏所營都或言蒲坂卽河東縣史本  
紀注引世紀云舜所都或言蒲坂或  
言平陽或言潘潘今上谷也一作漢

夏鯀封崇伯故春秋傳謂之有崇伯鯀國在秦晉之  
間左氏傳曰趙穿侵崇是也禹受封爲夏伯在禹貢

豫州外方南角亢氏之分壽星之次於秦漢屬潁川  
本韓地今河南陽翟是也受禪都平陽或在安邑或  
在晉陽於漢平陽安邑皆屬河東晉陽屬太原在冀  
州太行恒山之西太原太嶽之野參伐之分實沈之  
次於周爲晉今司隸并州之域也相徙商止於周爲  
衛成公夢康叔曰相奪予享是也少康中興復還舊  
都故春秋傳曰復禹之迹不失舊物是也世本又言  
夏后居陽城郡國志注引世紀云陽城有啓母冢本在大梁之南於戰  
國大梁魏都今陳留浚儀是也案經傳夏與堯舜同

在河北冀州之域不在河南也故五子歌曰惟彼陶  
唐有此冀方今失厥道亂其紀綱乃底滅亡言自禹  
至太康與唐虞不易都城也然則居陽城者自爲禹  
避商均時非都也故戰國策稱桀之居左天門之陰  
右天谿之陽成皋在其北伊洛在其南吳起對魏武  
侯亦言桀之居左河濟右大華伊闕在其南羊腸在  
其北案地理志上黨商都有天井關卽天門也有羊  
腸坂在太原晉陽西北九十里爲通西上郡關卽吳  
起之所云也伊洛皆在陽城非都審矣並御覽

桀敗於鳴條之野案孟子云舜卒於鳴條乃在東夷之地或云陳留平丘今有鳴條亭是也伊訓曰造攻自鳴條朕哉自亳又曰夏師敗績乃伐三朥湯誥曰王歸自克夏至于亳三朥在定陶於義不得在陳留與東夷也今安邑見有鳴條陌昆吾亭左氏以爲昆吾與桀同以乙卯日亡韋顧亦爾故詩曰韋顧旣伐昆吾夏桀於左氏昆吾在衛乃在濮陽不得與桀異處同日而亡明昆吾亦來安邑欲以衛桀故同日亡而安邑有其亭也

書正義。案此文應補入夏世紀內

商契始封於商在禹貢大華之陽上洛商縣是也世本契居番玉海引世紀云世本昭明居砥石荀子成相云契玄王生昭明居於砥石遷於商相土徙商丘本顓頊之墟故陶唐氏之火正闕伯之所居也故春秋傳曰闕伯居商丘祀太火相土因之故商主大火謂之辰故辰爲商星今濮陽是也然則契之所封商丘商洛是商土於周爲三衛是也而學者以商丘爲契封謬矣湯始居亳學者咸以亳本帝嚳之墟在禹貢豫州河洛之間今河南偃師西二十里尸鄉之陽亭是也考之事實甚失其正孟子稱湯

居亳與葛爲鄰按地理志葛今梁國寧陵之葛鄉是也湯地七十里葛又伯耳封域有制葛伯不祀湯使亳衆爲之耕有童子餉食葛伯奪而殺之計寧陵至偃師八百里而使亳衆爲耕童子餉食非其理也今梁自有二亳南亳在穀熟卽今南京之穀熟北亳在蒙卽今拱州之考城古謂之蒙漢謂之薄非偃師也故古文仲虺之誥曰乃葛伯仇餉初征自葛卽孟子之言是也湯又盟諸侯於景亳然則二亳皆在梁矣春秋會於亳是也太甲旣立不明伊尹放諸桐也本

又言太甲徙上司馬在鄴西南按詩書太甲無遷都之文桐宮其在斯乎仲丁徙于囂河亶甲徙相在河北故書序曰河亶甲居相今相州是也祖乙徙耿爲河所毀故書序曰祖乙圮于耿今河東皮氏耿鄉是也及盤庚立復南居亳之殷地故書序曰將治亳殷今偃師是也然則殷有三亳二亳在梁一亳在河南穀熟爲南亳卽湯所都也蒙爲北亳亦曰景亳卽湯所盟地也偃師爲西亳卽盤庚所徙也故立政篇曰三亳阪尹是也武丁徙朝歌於周爲衛今河內是也

紂自朝歌北築沙丘臺按地理志沙丘在鉅鹿東北  
七十里邯鄲國屬趙於禹貢在冀州大陸之野昂畢  
之分大梁之次至今民俗歌謠男女淫縱猶有紂之  
餘風世稱趙女之美是也

周后稷始封邰今扶風聚是也及公劉徙邑於豳今  
新平漆之東北有豳亭是也故詩稱篤公劉于豳斯  
館至太王避狄循漆水踰梁山徙邑於岐山之陽今  
美陽西北岐城舊趾是也故詩稱率西水滸至于岐  
下南有周原故始號曰周王季徙程故書序曰維周

王季宅程是也故孟子稱文王生於岐周卒於畢郢

西夷人也暨文王受命徙都於鄴在今京兆之西是

也故詩稱既伐于崇作邑于鄴武王徙鎬詩正義引

在長安南及伐紂營洛邑而定鼎焉今洛陽西南洛

水之北有鼎中觀是也周公相成王以鄴鄙偏處西

方職貢不均乃始使邵公卜居洛水之陽以卽中土

故援神契曰八方之廣周洛爲中於是遂築新邑營

定九鼎以爲王東都之洛邑故周書稱我乃卜澗水

東瀍水西唯洛食是爲王城名曰東周故公羊傳曰

王城者何東周也地理志王城本邠鄘之地是以或謂之邠鄘故春秋傳曰成王定鼎于邠鄘今河南是也邠鄘東門名鼎門文選注引世紀云王城西有邠鄘其南門名蓋九鼎所從入也成王既卜營洛邑建明堂朝諸侯復還邠鄘故書序曰成王既黜殷命還歸邠鄘至懿王徙犬丘秦謂之廢丘今京兆槐里是也厲王淫亂出于彘今河東永安是也平王即位徙居洛邑初學記引世紀云至幽王為犬戎所殺平王東遷乃居洛邑洛邑洛誥所謂新邑也國語曰幽王滅周乃東遷本殷畿內在禹貢豫州

之域河洛瀍澗之間周於南柳七星張之分鶉火之次也及敬王避子朝之亂東居成周故春秋經曰天王入於成周是也後六年王室定遂徙都成周是後晉又率諸侯之徒修繕其城以成周城小不受王都故壤翟泉而廣焉翟泉地在成周城東北今洛陽城中有周王冢是也郡國志注引世紀云狄泉本殷之冢是也又曰狄泉城內至赧王又徙居西周而失位太倉中大冢周景王也秦非子始封於秦故秦本紀稱周孝王曰朕分土為附庸邑之秦今隴西秦谷亭是也宣孫莊公徙廢止

周懿王之所都今槐里是也及襄公始受岐郢之地  
列爲諸侯文公徙沂故秦本紀曰文公東獵至沂乃  
卜居之今扶風郿縣是也玉海引世紀云文公遷居  
非于舊墟大丘在沂渭之  
間卽槐  
南是也寧公又都平陽故秦本紀曰寧公二年徙居  
平陽今扶風郿之平陽是也德公徙都雍故秦本紀  
曰德公元年初居雍城今扶風雍是也出公徙都平  
陽至獻公卽位徙治櫟陽今馮翊萬年是也孝公自  
櫟陽徙咸陽故秦本紀曰作爲咸陽築冀闕徙都之  
及漢元年更名新城屬扶風後并於長安故太史公

曰長安故咸陽也元鼎三年復別築渭城今長安西  
北渭水陽有故城故西京賦曰秦里其朔實爲咸陽  
是也秦自非子受封至昭王滅周之歲在大梁前後  
七遷皆在禹貢雍州之域荆山終南敦物之野東并  
輿鬼之分鷄火之次並御覽

漢高帝元年始爲漢王都南鄭屬漢中秦厲公所置  
在禹貢梁州之域北達雍南跨巴蜀與秦同分二年  
北徙櫟陽故秦獻公之所居後居萬年故屬馮翊今  
京兆縣也七年徙都長安秦咸陽之地今京兆所治



縣也其城狹小至惠帝元年始更築廣五年乃成

原文止此下高帝居雒陽南宮婁敬說曰陛下都雒

陽豈欲與周室比哉竊以為不侔矣秦地被山帶河

四塞以為固因秦之故資甚美膏腴之地此所謂天

府羣臣皆言不如都周帝疑未能決留侯曰關中左

殺函石隴蜀沃野千里南有巴蜀之饒北有胡苑之

利阻三面而固守獨以一面東制諸侯河渭漕輓天

下西給京師所謂金城千里天府之國於是帝即日

駕西都關中翼奉上疏元帝曰願徙都於成周左據

成皋右阻鼂池前嚮崧高後介大河建榮陽扶河東

南北千里以為關而入敖倉地方百里者八九足以

自娛東厭諸侯之權西遠羗胡之難淮陽王更始元

年都宛十月北都洛陽二年遷都長安光武以武信

侯進封蕭王在禹貢徐州之域於周以封子姓之別

為附庸事在春秋於漢屬豫州今沛國蕭縣是也即

位於鄘南千秋亭五城陌建武元年入雒陽幸西都

却北殿遂定都焉故成周之舊基城東西六里一十

步南北九里一百步是以時人謂雒陽為東京長安

漢書地理志卷之六十一  
為西京獻帝初平元年董卓遷都長安建安元年還  
雒陽曹操遷帝於許

魏武為魏公都鄴今魏都是也後文帝因漢之舊復  
都雒陽以譙為先人本國許昌為漢之所居長安為

西京之遺迹鄴為王業之本基與雒陽比五處故號

曰五都御覽文帝登禪於曲蠡之繁陽亭為縣曰繁昌

亦禹貢豫州之域今許之封內潁州繁昌是也郡國志注

號有三焉周興封號仲於西號此其地也封號叔於

東號即成畢也今陝郡平陸縣是北號御覽

自殷都以東為衛管叔監之殷都以西為鄘蔡叔監  
之殷都以北為邶霍叔監之是為三監周本紀注

燕地在燕山之野故國取名焉玉海

蕭國周封子姓之別為附庸項羽本紀注

襄國故城在媯墟縣東二百步初學記

楚子熊渠封申子紅於鄢今武昌縣也御覽

黃帝垂衣裳蒼頡造文字然後書契始作初學記

周監二代禮文最備史官有法董狐奮筆趙孟受惡

也

大夫者所以參九卿也九卿者所以參三公也三公者知通乎天道應變無窮辨於萬物之情者也其言足以調陰陽四時而節風雨如是舉以為三公之事也並書

伊尹為丞相仲虺為左丞相漢書秦置左右丞相文帝二年復置一丞相有兩長史秩千石哀帝元壽更

名大司徒類聚

庖犧氏作八卦神農重之為六十四卦黃帝堯舜引而伸之分為二易至夏人因炎帝曰連山連山易其

卦以純艮為首艮為山山上山下是名連山雲氣出內於山夏以十三月為正人統艮漸正月故以艮為首殷人因黃帝曰歸藏歸藏易以純坤為首坤為地萬物莫不歸而藏於其中殷以十二月為正地統故以坤為首文王廣六十四卦著九六之交謂之周

易初學記

Faded vertical text columns within a rectangular frame, likely bleed-through from the reverse side of the page.

Large, stylized watermark characters, possibly 'E' or 'F', overlaid on the page.

